

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Obedientia

urn:nbn:de:gbv:45:1-18303

tus populus confisite istinc, ego & Jonathan confisitemus altrinsecus. *P.* Ut libet, facito. *J.* Iova Deus Israelitarum age severe. Ducantur sortes. At at, nos petit fors: alter nostrum sit oportet. Sortiamur. *S.* O ho Jonathan fors indicat te. Indica mihi quidnam feceris. *J.* Gustavi paululum mellis de capite hujus baculi, quem in manu habebam: quod tu, insciente me fieri venteras. Hoccine mihi capitale esse æquum est? *S.* Deum ego juro, te moriturum, Jonathan. *P.* Ergo morietur Jonathan: qui tam præclaram victoriam pepererit Israelitis? Nequaquam, per Jovam immortalem: ne pilum quidem amittet, qui hodie Deum sui facti adiutorem habuerit.

SENTENTIA.

In hac vita unius peccatum luunt interdum multi: quia sunt unum corpus quasi, cujus membrorum omnium est tanta conjunctio atque cognatio, ut sit eorum consensus, tum dolorum, tum voluptatum: præsertim, cum omnes sint peccatores. Sed in altera vita, in qua punientur animæ, sui quisque, non alieni, peccati pœnas dabit.

OBEDIENTIA. 1 Reg. 15.

ARGUMENTVM.

Samuel Saulum reprehendit, qui Amalechitas clementius, quam Jova præceperat, ultus fuerit.

F

Saulus,

Saulus, Samuel.

Jovam tibi propitium precor. a) Feci jussum
 Jovæ. *Sam.* Quem ergo balatum & mugitum
 audio? *S.* Oves sunt & capræ, & boves, quæ ex
 Amalechitis abegimus. Nam ab horum peco-
 rum optimis quibusque necandis abstinere mili-
 tes, ut Jovæ Deo tuo sacrificium fieret. Reliqua
 funditus excidimus. *Sam.* Licet ne mihi, bona
 tua venia fiat, tibi significare, quid mihi Jova hæc
 nocte dixerit? *S.* Licet. *Sam.* Nonne cum ve-
 te judice parvus fueris, nunc princeps es tribuum
 Israelitarum, unctus a Jova rex eorum? a quo
 cum in hanc expeditionem missus sis, jussusque
 sceleratos Amalechitas excindere, & bello ad in-
 ternecionem persequi, cur ei dicto audiens non
 fuisti? teque ad prædam, vetante Jova, converti-
 sti? *S.* Imo Jovæ parvi, expeditionemque, ac
 quam ab eo sum missus, confeci: & deletis Ama-
 lechitis, Agagum eorum Regem abduxi. Tantum
 milites de manubiis pecora, bovesque devotorum
 primitias, defumserunt: quæ Jovæ Deo tuo im-
 molarentur apud Galgala. *Sam.* Quasi vero Jovæ
 tant placeant hostiæ & sacrificia, quam ejus dicto
 audientem esse. Scito obedientiam præstantio-
 rem esse sacrificio, & obtemperacionem adipe-
 arietum. Nam non parendi peccatum perinde
 est, ac magia: & contumacem esse eadem in culpa
 ponitur: & b) quia Jovæ mandatum repudiasti.

a) Ex parte obedire, non obedire est. Fecerat ille qui-
 dem partem, sed non omnia.

b) Qui Dei præcepta repudiant, hoc est, non exequuntur,
 si a Deo vicissim repudiantur.

ipse de vicissim regno exuet. S. Peccavi, quod contra Jovæ jussu, contraque tua dicta fecerim, milites veritus, eisque obsequutus. Sed da mihi quæso hanc veniam, ut mecum revertare, ut Jovam adorem. Sam. Non revertar tecum, quæ Jovæ mandatum aspernatus sis, & idcirco ab eo abdicatus regno Israelitarum. Vale! S. At non patiar te abire, ut non me comiteris. Sam. Quid me retines? ah! rupisti meum pallium, & Jova hodie Israelitarum regnum a te abrumpit, idque alteri te meliori tradit. Neque vero fallet Israelitarum triumphator, neque factum mutabit: non enim homo est, ut factum mutet. S. Fateor peccatum a me esse. Sed concede mihi hunc honorem apud senatores meorum popularium, apudque Israelitas: ut mecum redeas, Jovam Deum tuum adoraturo. Sam. Age, age, præi, sequar.

SENTENTIA.

Nihil placet Deo, quod ejus præcepto contrarium est, etiamsi bona alioquin animo fiat. Debet enim bono Deo (sicut servus hero, aut filius patri) servire non suo, sed illius arbitrio.

GOLIATHVS. I Reg. 17.

ARGVMENTVM.

David a Saulo impetrat, ut liceat cum Goliatho pugnare, & illum cum funda & pedo aggressus occidit.

David, Eliabus, Goliathus, Israelitæ quidam.

Alius Isr. Nuncius, Saulus.

Salvete mei fratres optimi. E. Deus det quæ